

1271

4° V

548





Mathématique



V

~~690~~

548

lm. 1271




Il se profan lince l'ounera apatima fan  
cois nelle fanz

Al

~~quise pres~~







V42543 inv 1231  
piece 3

# GEOMETRIE ET HORLOGIOGRAPHIE

40. *Ex Libris sanctae* PRATIQUE. *Genovesa Parisiensis*  
PAR 1753

IEAN BVLLANT, ARCHITECTE DE HAVT  
& puissant seigneur, Monseigneur le duc de Montmo-  
rency, Pair, & Conestable de France.



A PARIS,  
Chez la Vefue GvILLAVME CAVELLAT, au mont  
S. Hilaire, à l'enseigne du Pelican.

1529.



GEOMETRIE ET

HYDROLOGIE

TREATISE

PAR

JEAN LEONARD, ARCHITECTE DE LA VILLE

DE PARIS, ET DE LA CHAMBRE DES SEIGNEURS

DE LA VILLE DE PARIS, ET DE LA CHAMBRE DES SEIGNEURS



chez la Citoyenne GUYOT, Libraire, Palais National, ci-devant des Arts, ci-devant de la Nation, ci-devant de la Liberté, ci-devant de la Constitution, ci-devant de la République, ci-devant de la Nation, ci-devant de la Liberté, ci-devant de la Constitution, ci-devant de la République.

1793





## A V LECTEUR.



MY LECTEUR, pour autant que par-cy deuant i'ay osé entreprendre ce peu, que mon debile & petit entendement a sceu pratiquer, touchant la fabrique & composition de diuers quadras & horologes soleres. Et par ce que le tout despend du premier degre des belles disciplines & noble science de Geometrie: il m'a semblé n'estre hors de propos de pratiquer ce petit traicté, contenant plusieurs reigles & inuentions Geometriques sans parler de leurs speculations & theoriques, ainsi qu'a fait Euclide. Pourauant qu'elles ne peuuent estre si

familieres aux artisans, comme elles sont aux gens doctes, & plus curieux. Je produiray donc tant seulement certaines reigles & simples demonstrations & diuisions de lignes par moy pratiquees, comme reduire la superficie ronde a la superficie carree, au plus iuste que m'a esté possible. Et plusieurs manieres de lignes droictes & autres figures delectables, qui pourront bien aisement tomber en l'intelligence & prouffit des artisans. Te suppliant, Lecteur, que s'il aduient que tu trouues quelque faute en mon petit ceuvre, la vouloir examiner avec la Regle, l'Esquierre & le Compas, auant que d'en iuger, puis te parforcer de mieux faire si tu peux. Car ie n'ay pas entrepris de satisfaire a un chacun. Priant Dieu en donner la grace a ceux qu'ils le desirent.

D'Escoüen l'an de grace, 1562.





**S**ur tous les arts qui sont dictz liberaux,  
 Seruants à tous, tant doctes que ruraux,  
 Le principal apres l'Arithmetique  
 Est le sçauoir appellé Geometrique,  
 Pour paruenir à ceux qui sont plus hauts.

Touts artisans & gens Mercuriaux  
 Qui ont desir trouuer secrets nouueaux,  
 De mesurer faut qu'ayent la pratique  
 Sur tous les arts.

Dieu ha créé les corps, & animaux,  
 Depuis le ciel iusques aux mineraux,  
 Par nombre, pois, & mesure harmonique.  
 Heureux est donc qui tel sçauoir explique,  
 Et qui entend secrets si generaux,  
 Sur tous les arts.






5

PETIT TRACTE DE GEOMETRIE ET  
D'HORLOGIOGRAPHIE PRATIQUE.

*Pour reduire vn parallelograme en vn carré parfait.*




OIT le parallelograme proposé A,E, C,D, duquel le costé E,D, soit diuisé en deux parties egales au poinct F, puis soit mis le pied immobile du compas au poinct D, & l'autre pied soit esté du au poinct F, & tournant le pied mobile du compas sur la ligne C,D, soit fait le poinct B, de pareille distance au poinct D, qui est le point F, & sur iceluy poinct B, soit tiré vne ligne perpendiculaire à angles droicts, puis soit mis le pied immobile du compas au poinct C, & l'autre pied sur le poinct F, Et tournât le compas contremont, où le compas atouchera ladite ligne perpendiculaire, soit fait le poinct G, la distâce G,B, est le costé du carré que lon demande. Et formant vn carré parfait ayant chacun costé egal à ladite distance G, B, l'on trouuera ledit carré contenir autant que le parallelograme. La figure suiuiante faiçt demonstration de la pratique cy dessus.






P O U R faire preuue de la propositiō cy dessus declaree du Parallelograme, autrement appellé quadrangle longuet à vn vray carré. Soit le Parallelograme A, B, C, D, ayāt de lōgueur neuf parties egales. Et de largeur quatre d'icelles parties, qui multipliēt l'vne par l'autre, assauoir neuf par quatre, mōtēt trēte six parties carrees, que contient ledict parallelogramme en son ayre & superficie. Or comme dit est cy dessus pour reduire ledit parallelograme au vray carré, soit le costé B, D, diuisé en deux parties egales, cōme au poinct E, & selō la distāce D, E, soit fait le poinct F, sur la ligne C, D, & sur ledit poinct F, soit tiré la ligne perpendiculaire, puis soit mis le pied immobile du cōpas sur le poinct C, & l'autre sur ledit poinct E, & tourne le compas en amont, & ou il attouchera ladite ligne perpendiculaire, soit fait le poinct G, la distance F, G, est la longueur du costé du vray carré que l'ō demande, cōtenant autāt en la superficie que ledit parallelograme. Et si l'on diuise ledit carré par pareilles parties & mesures qu'a esté diuisé le parallelograme, l'on trouuera le carré cōtenir six d'icelles parties, tāt en lōgueur qu'en largeur, que multipliez l'un par l'autre, assauoir six par six, mōte trente six parties carrees q̄ cōtient ledit carré en la superficie, qui est autant q̄ quatre fois neuf du parallelogra. Et ceste preuue suffira pour la propositiō precedēte, & pour les autres, le tout appert par la figure presēte.






Soit le triangle proposé A,B,C, duquel les deux costez A,B, & A,C, soient diuisez en deux parties egales, & par les points de la diuision soit tiré la ligne D,E, parallele & egale à la base dudit triagle: & des points B,C, soient tirées deux lig. à angles droicts iusques au points D,E, & sera formé vn parallelograme, duq<sup>l</sup> la superficie contiendra autāt que celle dudit triagle. Puis pour la reduire au carré, soit le costé du parallelograme C,E, diuisé en deux parties egales au point F, puis met le pied du compas au point C, & estend l'autre au point F, puis soit tourné le pied mobile sur la base & y transporter celle distance, & marquer le point G, sur lequel soit tiré vne ligne obscure & perpēdiculaire qui soit H,G. Ce faict, mettant vn pied du compas au point B, & l'autre au point F, tourne le cōpas vers la ligne perpendiculaire, & ou le cōpas attouchera ladite ligne, soit marqué ledit point H, & la distance G,H, est le vray costé du carré, duquel la superficie contiendra autant que celle du triangle proposé. Cōme se peut veoir par la figure qui ensuit.





*Pour reduire un triangle orthogone en parallelograme, & pareillement en un carré.*

SOIT le triangle orthogone A, B, C, & diuisé la ligne A, C, en deux parties egales, & par le poinct de la diuision soit tiré vne ligne parallele & egale à la ligne B, C, qui soit D, E, & soit formé le parallelograme D, E, B, C, lequel sera egal & cōtiédra en sa superficie autant que ledit triagle. Et pour le reduire au carré, soit comme deuât a esté fait le costé du parallelograme E, C, diuisé en deux parties egales au poinct F, & de la distâce C, F, soit fait le poinct G, sur lequel soit tiré vne ligne perpendiculaire, puis soit mis le pied immobile du cōpas au poinct B, & l'autre pied au poinct F, & tournât le pied du cōpas sur la ligne perpendiculaire, soit marqué le poinct H, la distâce G, H, & le costé du carré demande comme est demonsté par la figure suiuiante.




*Pour reduire un triangle & scallene en parallelograme, & par consequent en carré.*

SOIT le triangle proposé A, B, C, duquel les costez A, B, & A, C, soiét diuisez en deux parties egales, & par les poincts de la diuision




diuifio foit tiré vne ligne parallele & egalle à la ligne B, C, & tirât des lignes perpédiculaires & à angles droictz fur les poinçts B, & C, fera formé le parallelograme: duquel en diuifant vn des costez en deux parties au poinct D, Et de la distance, C, D, faire le poinçt E, & fur iceluy tirer vne ligne perpendiculaire, cōme de uât a esté dit. Puis mettât le pied immobile du cōpas au poinçt B, & l'autre au poinçt C, soit marqué le poinçt F, sur ladite ligne perpédiculaire, la distance E, F, sera le vray costé du carré demandé. Et par ainsi l'on a vn parallelograme & vn carré cōtenant en superficie autāt l'vn que l'autre, & egaux audit triangle, comme appert par ceste figure.



*Par les reigles deuant mises, l'on peut reduyre le rhombe ou lozange en parallelograme & en carré.*

Soit le rhombe proposé A, B, C, D, à l'extremité duquel & sur le poinçt A, soit tiré vne ligne parallele & egalle en longueur à la ligne B, D, du rhōbe, puis tirant des lignes perpendiculaires à angles droictz sur les poinçts B, D, sera formé le parallelograme egal & cōtenant en superficie autant que ledit rhōbe, lequel parallelograme faut reduire au carré par les reigles deuant dites, & l'on aura le carré egal audit rhombe, comme appert par la figure qui ensuit.






*Pour reduyre vn carré parfait en vn parallelograme tant grand que petit,  
lequel contiendra en sa superficie autant que ledit carré.*

SOIT le carré proposé A,B,C,D, & soit la ligne B,C, prolóngée tât que l'on voudra. Puis soit le costé A,B, du carré diuisé en plusieurs parties egalles, comme 3, 4, ou 5. commençant en A, tirant vers B, puis pour former vn parallelograme egal & pareil au carré, soit mis vn pied du compas au poinct A, & l'autre sur l'une desdites diuisions, & celle distâce transporter sur la ligne B,C, tirât de B, vers C, & faire des nottes ou marques. Ce fait, soit mise la reigle en l'angle du carré au poinct D, & sur la notte faite en l'une desdites diuisions, & où la reigle attouchera la ligne prolongee C,B, soit fait vne notte ou marque, cōme le poinct E, la ligne E,B, fera la lōgueur du parallelograme. Séblablement soit prolóngé la ligne A,B, puis soit mis la reigle sur le poinct D, de l'angle du carré sur le poinct fait sur le costé B,C, dudit carré, & où ladite reigle attouchera la ligne A,B, prolongee, soit fait vne notte ou marque comme au poinct F, & la distâce B, F, fera la largeur du parallelograme. Ce fait, soit tiré dudit



poinct F, vne ligne parallele & egalle à la ligne E, B, que sera G, F. Par ainsi l'on aura le parallelograme E, B, G, F, contenant autant en sa superficie que le carré A, B, C, D. Et faut entendre que tant moins se fait de diuisions sur la ligne A, B, ou tant plus la distance du poinct A, à la premiere notte faite est grande, tant plus le parallelograme sera court, comme se peut voir par la figure cy dessous, demonstrent par pratique.


LA maniere de reduyre le carré en parallelograme, ou soit deux parallelogrames dont le parallelograme E, B, G, F, est le plus long, & le parallelograme H, B, I, K, est le plus court. Toutesfois chacun d'iceux contient en superficie autant que ledit carré. Voyez la figure suiuiante.





*Pour reduire vne ligne courbe a vne ligne droicte, c'est à dire, auoir l'estendue d'une ligne courbe sur vne ligne droicte.*

SOIT tiré vne ligne droicte passât par les deux bouts ou extremittez de la ligne courbe. Côme si la ligne courbe estoit A, B, faut tirer vne ligne droicte passant par A, & B, & prolôgee de chacû costé, & soit departy la figure en deux parties egales par le milieu d'icelles, par vne ligne perpendiculaire sur ladicte ligne droicte au poinct C. Et la portio de ladite ligne droicte A, C, soit diuisee en deux parties egales comme au poinct D, puis avec le cõpas soit prins la distâce D, A, ou D, C, & trāsporter celle distance sur ladicte ligne courbe du poinct B, au poinct E, la distâce de la ligne D, E, sera l'estendue de la moitié de la ligne courbe: Parquoy soit mis vn pied du cõpas sur D, & l'autre sur E, & le cõpas ouuert à telle distance, soit mis vn pied au poinct C, & tournant le compas de costé & d'autre, sur la ligne droicte soient faicts les poincts ou marques F, G, la ligne droicte F, G, est l'estendue de la moitié de la ligne courbe A, B, & la ligne F, G, l'estendue de toute ladite ligne courbe, le tout est demõstré par la figure suyuant.




*L'estendue de la quarte partie ou de la moitié d'une circonference ou rond, se peut reduire sur vne ligne droite, ou semblablement toute la circonference.*

SOIT proposé vn demy rond ou cercle A, B, C, duquel le cẽtre soit D. Et soit la ligne diametralle A, D, C, prolôgee de costé & d'autre outre ladite circõferẽce. Ce faict, soit le quart A, B,



diuisé en 4. parties egalles, & soit mis le pied immobile du cōpas sur le poinct A, & l'autre sur le poinct de la premiere diuisiō, & avec celle distāce tourne le cōpas sur la ligne diametralle A,D, & marque le poinct E. Et pareille distāce soit transportée sur ladite circōferēce du poinct C, au poinct M, la distāce de la ligne E,M. Est l'estendue de la quarte partie de la circōference d'un rond ou cercle, à sçauoir, le quart A,B, & en mettāt le pied immobile du compas ouuert à la distance E,M, sur le poinct & cētre D, & tournāt l'autre pied çà & là sur la ligne diametralle, soit faict les poincts N,P, la ligne D,N, & D,P, contiennēt chacune autāt que la quarte partie d'un rond ou cercle. Et la ligne N,P, cōtiēt autāt que la moytié de la circonferēce dudit rōd ou cercle. Et qui voudroit doubler la ligne N,P, l'on auroit vne ligne droicte, cōtenāt l'estēdue de toute la circōferēce dudit rōd. La figure cy presente demōstre la pratique de celle propositiō.




*Autre maniere de trouuer vne ligne droicte, contenant l'estendue du quart de la moytié d'une circonferēce,*

SOIT le demy rond ou cercle proposé A,B,C, duquel le diametre soit A,C, & le centre D, ledit demy soit diuisé en deux quarts par le demy diametre B,D) & soit party le quart A,B, en deux parties egalles au poinct E, puis soit tiré vne ligne droicte du poinct E, au poinct B, au bout de laquelle ligne E,B, à sçauoir au poinct B, soit faict & tiré vne ligne perpendiculaire & diagonale à angle droit, c'est à dire, à esquierre. Et ou lad. ligne à es-



quierre atouchera la ligne diametrale, soit fait le point F. Puis soit mis le pied immobile du compas au point C, & l'autre au point F, & demourant le pied immobile du compas audit point C, & l'autre tourné hors ladite circonference sur le diametre prolongé, & soit fait le point L. Et de pareille distance & à l'opposite du diametre soit fait le point M, la ligne D, L, ou la ligne D, M, est egalle, & contient l'estendue de la quarte partie de la circonference d'un rond ou cercle. Et la ligne & distance M, L, est egalle, & à l'estendue de la moytié de ladite circonference, comme appert par la figure cy presente.




*Pour trouver plusieurs lignes droictes contenant l'estendue de plusieurs parties d'un cercle ou rond.*

SOIT le cercle proposé A, B, C, D, diuisé en quatre parties par deux diametres A, C, & B, D, & pour auoir l'estendue en lignes droictes de plusieurs portions & parties de rond, faut diuiser la quarte partie dudit rond, en tant de parties que l'on veut auoir l'estendue d'icelles: Côme pour exemple, si l'on veut auoir l'estendue de quatre portio's ou parties dud. rōd, soit diuisé le quart A, B, en quatre parties egalles, cōme aux points B, F, G, I, & soit d'icelles nottes tiré des lignes droictes d'une part de la circōference iusques à l'autre, & qu'elles soient paralleles au diametre B, D, puis soit transporté vne d'icelles parties de B, tirant vers E, sur le diametre au point H, & la distance B, H, soit transporté




au quart D,A, qui font D,L, la distance H,L, est l'estendue du quart de rōd A,B. Et qui diuise la moytié de la ligne F, à sçauoir, de F, iusques au demy diametre A, E, en deux parties esgales, cōme au poinct M. Et la distance F,M, soit trāsportee au quart D,A, depuis le bout de ladicte ligne F, tirant vers A, au poinct N, la distāce M,N, est l'estēdue de l'arc & partie de la circonferēce F,A. Et pareillemēt en diuisāt la moytié de la ligne G, à sçauoir depuis G, iusques au diametre en deux parties egales au poinct O, & la distāce G,O, trāsportée au quart D,A, de N, tirāt vers A, au poinct P, la distāce de la ligne O,P, est l'estēdue de l'arc, & partie de la circonferēce G,A. Et semblablement, qui diuise la moytié de la ligne I, en deux parties esgales au poinct R, & la distance I,R, trāsportee cōme des autres en la quarte partie D,A, du bout de ladicte ligne tirant vers A, au poinct S, la distance de la ligne R,S, est l'estendue de l'arc I,A. Et ainsi pourra-ō sçauoir l'estēdu de toutes portions & parties d'un rond, en obseruant ceste maniere de faire. De laquelle la pratique est demonstree par la figure presente.





*Pour auoir l'estendue d'une ou deux lignes courbes,  
faictes en tiers poinct.*


S O I T les lignes courbes faites en tiers poinct A, B, C, constituées sur la ligne droicte B, C. Et du poinct & angle A, soit tiré vne ligne perpédiculaire sur ladite ligne B, C, à angle droict au poinct D, & soit diuisé ladicte ligne A, D, en deux parties égales, & par le poinct d'icelle diuision soit tiré vne ligne parallèle à la ligne B, C, ladicte ligne occulte & tirée d'un bort de la circonferéce à l'autre, & soit ladicte ligne occulte diuisée en huit parties égales. Puis soit mis la reigle sur le poinct & angle A, & sur vne d'icelles diuisions, la plus prochaine de la circonferéce: & soit tiré vne ligne iusques sur la ligne B, C, prolôgee outre les dits poincts B, C, & les lignes droictes A, B, & A, C, sont l'estendue, & contiennent autant de longueur que les lignes courbes A, E, & A, F, comme appert par ceste figure.





Pour trouver & assigner une ligne courbe ou circulaire, egalle en longueur à une ligne droicte.


SOIT la ligne droicte à laquelle l'on veut assigner vne ligne courbe ou curue A, B, au bout de laquelle soit tiré vne ligne perpendiculaire & orthogone à angle droict sur ladite ligne A, B, & soit ladite ligne perpendiculaire C, A. Ce faict, soit tiré vne ligne du poinct C, au poinct B, laquelle ligne faut diuiser en quatre parties egales: puis avec le compas soit prins la distance de l'une d'icelles diuisions, & soit mis vn pied du compas au poinct B, & l'autre sur la ligne A, B, & soit faict la notte E. Et pareille distance soit transportee sur la ligne C, A mettant vn pied du compas au poinct C, & l'autre sur ladite ligne C, A, & soit faict la notte D. En apres, soit mis vn pied du compas au poinct A, & l'autre estendu au poinct D, ou au poinct E, & soit descrit la ligne arcuelle D, E, icelle ligne arcuelle sera egalle en longueur ou estendue à ladite ligne droicte A, C, cōme il appert par la figure presente.






*Pour auoir sur vne ligne droicte l'estendue de la quarte partie ou de la moitié de la circonference d'une figure faicte en oualle, qui soit composee de deux ronds ou cercles.*

SOIT l'oualle proposee A,B,C,D, departie en quatre parties egalles par deux Diametres A,C, & B,D, & le centre ou poinct milieu soit E. Et soit le femy diametre B,E, diuisé en deux parties egalles au poinct F. Et la distâce de E,F, prinse avec le cōpas, soit mis vn pied au poinct D, & de l'autre pied soit marqué sur la circonference au quart D, A, & y soit faict le poinct G. Puis soit tiré vne ligne occulte de F, à G, ladicte ligne de F, G, est l'estendue de la quarte partie de la circōference de l'oualle. Prenant donc la distance F,G, avec le compas, soit mis vn pied au centre E, & avec l'autre pied, soit faict du diametre prolongé les poincts H,L, le demy diametre & ligne F,H. Et semblablement E,L, contiennent iustement chacune l'estédue de la quarte partie de la circonference de l'oualle. Et la ligne H,L, la moytié de ladite circonference. Et qui doubleroit ladite ligne H,L, l'on auroit l'estendue de la circonference entiere. Ou autrement & plus briefuement, soit diuisé le diametre en quatre parties egalles, & d'une d'icelles parties, soit prolongé le diametre B, D, hors de l'oualle, & soit marqué avec icelle distance les poincts H, & L, & l'on aura l'estendue de la quarte partie de la circonference, qui est la ligne E,H, ou la ligne E,L. Et par consequēt la ligne H,L, estendue de la moytié de la circonference comme dessus, comme il appert par la figure qui ensuyt.










Pour trouver une ligne droite contenant l'estendue du 4. quart d'une circonférence, & par conséquent former un carré duquel la superficie est égale à celle du cercle.



SOIT le rond ou cercle proposé A,B,C,D, diuisé en 4. parties par 2. diametres A,C, & B,D, & soit le cêtre P. Ce fait, soit la demie circonférence A,C, diuisee en 7. parties égales, & soit mis la reigle sur le poinct A, & sur l'une des diuisiôs la plus prochaine du poinct D, & soit tiré vne ligne iusques sur la ligne du diametre B,D, qui doit estre prolongee, & ou ladite ligne attouche ledit diametre, soit marqué le poinct E, ladite ligne A,E, est l'estendue de la quarte partie du cercle ou rôn proposé, & est la-




dite ligne A, E, est le costé d'un, dont la superficie est egalle à celle dudit rond, comme est demonsté par la figure cy deuant, ou les lignes A, E, & A, F, les lignes C, E, & C, F, contiennent chacune l'estendue de la quarte partie de la circonference, & se forme vn rhombe ou lozage, contenant en son pourtour l'estendue de toute la circonference dudit rond. Finablement pour auoir & former vn carré parfait, dont la superficie soit egalle à celle du rond ou cercle. Soit diuisé le demy diametre B, P, en 2. parties egales, & au poinct de la diuisiō soit notté K, la ligne & distance K, E, & le costé du carré demandé, & selon celle distance forme le carré K, E, L, M. Iceluy carré contiendra en sa superficie autant que ledit rond. La pratique de ceste propositiō est demonstree par la figure cy deuant.

*Autre maniere pour trouuer vne ligne droicte, contenant l'estendue de la moytié de la circonference d'un rond ou cercle, & par consequent trouuer vn carré esgal en sa superficie audict rond.*

SOIT le rond ou cercle proposé A, B, C, D, & le centre soit E, ledict rond diuisé en quatre parties egales par deux diametres A, C, & B, D, & soit le diametre A, C, prolongé de costé & d'autre. Puis soit le quart B, A, ou B, C, diuisé en deux parties egales au poinct K, ou au poinct L. Ce fait, soit mis le pied immobile du compas au poinct D, & l'autre pied estendu sur le poinct K, ou L, & tournant le pied mobile du compas de costé & d'autre sur le diametre A, C, prolongé, & ou le compas attouchera ledit diametre, soit fait les nottes M, & N, la distance E, M, & la distance E, N, contiennent l'estendue du quart de la circonference, & la ligne M, N, la moytié de la circonference. Et pour auoir le carré egal quāt à la superficie au cercle proposé, soit le demy diametre E, C, diuisé en 2. parties egales au poinct P, & soit tiré vne ligne perpendiculaire sur ledit poinct P, parallele au diametre B, D, & ou ladicte ligne attouchera la circonference du cercle soit mar-



qué G, d'une part & H, d'autre part, la ligne G, H, est le costé du carré demandé, comme appert par ceste figure, ou le carré R, S, T, V, tiré après la ligne G, H, contient en sa superficie autāt que le rond proposé.




Encores autres manieres de trouuer une ligne droicte contenant l'estendue,  
 & de la moytié de la circonference d'un rond, & aussi assigner  
 un carré egal en superficie audict rond.

S O I T le cercle ou rond proposé A, B, C, D, le centre E, & soit diuisé en quatre parties egales, par deux diametres A, C, & B, D. Et le demy diametre E, D, soit diuisé en deux parties egales, comme au poinct F, Puis soit fait vne ligne perpendiculaire sur ledict poinct F, parallele au demy diametre A, E, & ou ladite ligne attouchera la circonference, soit marqué le poinct G. Ce fait, soit tiré vne ligne occulte sur le poinct B, parallele au diametre A, C, qui soit prolégée comme vers le poinct H. Et aussi soit tiré vne autre ligne occulte, par le poinct A, comme vers le poinct




poinct I, parallele au demy diametre E, D. Ce fait, soit mis la reigle sur le cêtre E, & sur le poinct G, & tirer vne ligne droicte, & ou elle attouchera la ligne prolongee sur le poinct B, soit fait la marque H, & sur la ligne prolongee sur le poinct A, soit fait la marque L. Je dis que la ligne H, L, est iustement l'estêdue de la moitié de la circonference du rond proposé. Et si l'on diuise ladite ligne en deux l'on aura l'estendue du quart de ladite circonference, semblablement la distance B, H, est le costé du carré que l'on demâde. Et si l'on tourne le carré B, H, I, R, l'on le trouuera contenir en superficie, autant que ledict rond. L'exemple est demonstree par ceste figure.





*De la cubication de la Sphere.*

Pour cubiques la Sphere soit premierement descrite & figuré vn cercle contenant iustement le diametre de la Sphere proposée, lequel cercle soit A,B,C,D, diuisé en 4. parties par 2. diametres A,C, & B,D. Puis soit tiré vne ligne du poinct A, au poinct D, & icelle ligne A,D, soit diuisé en deux parties egales, & soit le poinct de la diuision marqué E. Ce fait soit tiré vne ligne du poinct C, audit poinct E, icelle ligne C, est iustement le vray costé du cube, contenât en sa mesure autant que la Sphere proposée.






P O V R C E que Geometrie cōtient toute dimention, proportion, & mesure, il nous a semblé n'estre point mal commode & moins expediēt de traicter d'aucunes proportiōs de portes d'eglises O & ronds & autres choses semblables. Et premierement pour proportionner vne porte d'eglise si l'eglise est petite cōme si c'estoit vne chapelle, fault prendre la largeur d'icelle dedās œure, & si l'eglise est grāde & qu'il y ait des ailles entre les pilliers ou autrement il prēdra la largeur entre les pilliers d'icelle, suiuant laquelle largeur il tirera vne ligne droite egalle en lōgueur à ladite largeur qui soit H, C, T, & soit ladite ligne diuisée en quatre parties egalles, sur laquelle ligne soit fait vn rond dōt le diametre contienne deux d'icelles parties, & le centre du rōd prins sur vne ligne perpendiculaire, sur la moiētiē de ladite ligne A, C, & soit le rond departy en quatre parties par deux diametres A, C, B, D. Ce faict, soit tiré deux lignes perpendiculaires sur ladite ligne H, T, passāt par les poinēts B, D, de l'extremité du rōd assez prolongees & paralleles au diametre A, C. puis chacū quart du rōd soit diuisé en deux parties egalles & par les poinēts d'icelle diuisiō soit tiré deux lignes perpendiculaires sur la ligne H, T, & aussi paralleles au diametre A, C, qui soient marquez par ces deux notes P, O, lesdites lignes perpendiculaires tirées sur lesdites diuisiōs du rond font l'ouuerte de ladite porte dedans œure, & les autres lignes tirées sur l'extremité du rōd qui sont B, & D, la largeur de l'ornemēt à l'entour d'icelle porte: Et pour auoir sa haulteur fault diuiser l'espoisseur de l'ornemēt d'icelle, qui est la distance des deux lignes tirées, l'une dedās le rōd & l'autre dehors, assauoir B, P, & O, D, en deux parties egalles, & y fais des notes I, K, puis mettāt la reigle sur le poinēt A, du cercle au rond & sur chacune note de I, & K, soit tiré deux lignes ocultes & ou lesdites lignes atroucherōt les lignes B, P, & O, D, soit fait des notes, assauoir sur les lignes B, P, soit marqué M, N, & sur les lig. O, D, soit marqué R, S, puis faut tirer vne ligne de M, à R, & sebla-



blemēt de N, à S, & lon aura la hauteur & largeur de ladite porte, proportionnée par Geometrie, cōme appert par ceste figure.




Pour proportionner, par art de Geometrie, vn O d'une Eglise,  
soit grand & petit.

SOIT prins la largeur de l'Eglise ou lon veut faire ledit O, & soit tiré vne ligne de la longueur d'icelle largeur, laquelle soit departie en quatre partie egales, & de deux d'icelles parties soit fait vn rond, c'est à dire, que le rond contiēne deux d'icelles parties. Et soit diuisé ledit rōd en quatre parties par deux diametres A, B, & C, D. Ce fait, soit chacun quart de rond diuisé en deux Parties egales, & faits des poincts ou marques esdites diuisiōs: & d'icel-



& d'icelles diuisions, tât de costé que d'autre du diametre A,B, soit tiré deux lignes ocultes paralleles & equidistâtes audit diametre A,B, puis mettât le cōpas au cētre du rond, soit descrit vn autre rōd plus petit, duquel la circōferēce attouchera les lignes faites aux poincts des diuisions du grād rōd. Et ayant ainsi faict lesdits deux ronds l'un dedās l'autre, le petit rond sera l'ouuerture & iour dedans œuure de le O, que lon veult faire, & le grand rond comprend les aornemēs, estans à l'entour de l'ouuerture dudit O, ou osteau, comme se peult veoir par ceste figure.



*Pour mesurer vne plaine avec l'Esquierre.*

Si lon veult mesurer & auoir la distance & longueur d'une plaine, avec l'Esquierre, faut entendre que la plaine doit estre à nyueu, & sur icelle plaine planter ou afficher vne perche ou baston, ou soit suspendue l'Esquierre de certaine haulteur, comme de six pieds, au bout de la plaine que lon veult mesurer. Et au pied de la perche (de l'autre part de la plaine) soit couché vne toise, ou autre mesure, sur laquelle soiēt marquez les pieds. Et quand lon voudra sçauoir & prendre la longueur de la plaine, fault suspendre l'Esquierre à ladite perche, à la haulteur de six pieds: & puis avec l'œil, estant au coing de ladite Esquierre, veoit le lieu du bout ou extremité de la plaine que lon veult mesurer, auquel lon pourra mettre quel-




que marque ou enseigne pour mieulx le cognoistre. Et fault haulser ou abaisser l'Equierre, tant que le lōg du costé d'icelle l'on puisse, avec le ray bisual de ton œil, voir le bout marqué de la plaine que l'on veut mesurer. C'est que regardant le long de ladite Esquierre l'on puisse iustement veoir le lieu & poinct à mesurer. Et demourant l'Equierre ainsi, faut regarder le long de l'autre costé de ladite Esquierre, de combien le ray bisual reculle, ou est recullé, du pied de la perche ou est suspendue l'Esquierre, & quants pieds elle marque sur la toise, & quelle proportion iceulx pieds de la toise font à la hauteur de l'œil, & selon celle proportion sera la distance de la longueur demandee.

*Exemple.*

Posons pour exemple, que le lieu à mesurer soit A, B, & la perche soit plantee au poinct A, & la hauteur de l'œil & le bout de la perche ou sera suspēdue l'Equierre, soit A, C, qui soit de six pieds, & le ray bisual soit iustement sur le lieu marqué pour mesurer le ray bisual par derriere ladite Esquierre, monstre sur la toise deux pieds au poinct D. Et pource que deux pieds sont la tierce partie de six pieds, qui est la hauteur de l'œil, ou bout de l'Esquierre, fault par l'Arithmetique diuiser six pieds par vn tiers, & en vient dixhuiēt pieds, & dixhuiēt pieds sont la longueur de la plaine, que lon vouloit mesurer.

Ou autrement pour autant que deux pieds sont compris trois fois en six, fault multiplier six pieds par trois & en vient dixhuiēt pieds, comme deuant. Parquoy pouuons dire la longueur de la plaine que lon vouloit mesurer, estre de dixhuiēt pieds. Le tout est demonstře par ceste figure.





Fuy le mal et ne le fuy

1,14,00  
II 93



